

全唐文紀事

全唐文紀事卷二十五

原任翰林院編修 國史館纂修 實錄館提調 武英殿協修陳鴻墀纂

正直一

奕上疏請除去釋教又上疏十一首詞甚切直高祖付羣官詳議唯太僕卿張道源稱奕奏合理中書令蕭瑀與之爭論曰佛聖人也奕爲此議非聖人者無法請寘嚴刑高祖將從奕言會傳位而止

唐書傳奕傳

鴻墀

謹案新書作又上十二論言益痛切案奕注老

子集魏晉以來與佛議駁者爲高識篇

太史令傅奕上疏請去釋教其疏畧曰佛在西域言妖  
路遠漢譯胡書益其假托故不忠不孝削髮而揖君親  
游手游食易服以逃租稅凡百黎庶不察根源乃追旣  
往之罪虛覬將來之福布施一錢希萬倍之報持齋一  
日期百日之糧又上論十二首高祖將從之會傳位而

止

大唐  
新語

唐臨爲大理卿會太宗幸寺親錄囚徒他官所斷死囚  
稱冤不已臨所斷者嘿而無言卽曰拜御史大夫太宗  
親爲之考詞曰形若死灰心如鐵石

大唐  
新語

余觀砥柱之屹中流閱頽波之東注有似乎君子士大  
夫立於世道之風波可以託六尺之孤寄百里之命不  
以千乘之利奪其大節則可以不爲此石羞矣營邱王  
蕃觀復居今而好古抱質而學文而望以立不易方人  
不知而不愠者也故書砥柱銘遺之

跋砥柱  
銘後  
山谷集

則天時新豐縣東南露臺鄉因風雨震雷有山踴出高  
二百尺有池周迴三頃池中有龍鳳之形米麥之異則  
天以爲休祥號曰慶山荊州人俞文俊上書曰臣聞天  
氣不和則寒暑併人氣不和而疣贅生地氣不和而堆

阜出今陛下以女主處陽位反易剛柔故地氣隔塞而出變爲災陛下謂之慶山臣以爲非慶也則天大怒流

之嶺南

大唐新語

魏元忠男昇娶滎陽鄭遠女昇與節愍太子謀誅武三思廢韋庶人不克爲亂兵所害元忠坐繫獄遠以此乃就元忠求離書今日得離書明日改醺殿中侍御史麻察不平之草狀彈曰鄭遠納錢五百萬將女易官先朝以元忠舊臣操履堅正豈獨尙茲賢行實欲榮其親戚遂起復授遠河內縣令遠子良解褐洛州參軍旣連婚

國相父子崇赫迫元忠下獄遂誘相離今日得書明日  
改醮且元忠官歷三朝榮躋十等雖金精屢爍而玉色  
常溫遠胄雖參華身實凡品若言齊鄭非偶不合結褵  
旣冰玉交歡理資同穴而下山之夫未遠御輪之聳已  
周無問寄死託孤覓危授命斯所謂滓穢流品玷辱衣  
冠而乃延首覲顏重塵清鑒九流選敘須有淄澠四裔  
遐颺宜從擯斥遠從此廢棄朝野咸貴察之公直  
大唐新語  
時太平公主與僧寺爭碾磴公主方承恩用事百司皆  
希其旨意元紘遂斷還僧寺竇懷貞爲雍州長史大懼

太平勢促令元紘改斷元紘大署判後曰南山或可改

移此判終無搖動竟執正不撓懷貞不能奪之

唐書李元紘傳

鄧汪爲長上果毅延載年檢校內史李昭德用事爲朝  
野所惡汪著石論數千言備述昭德專權之狀鳳閣舍  
人逢宏敏遽奏上其書則天謂納言姚璿等曰昭德官  
爲內史身備殊榮若其實如所言是慙負家國竟坐是  
免爲欽州南賓尉

冊府元龜

尋遷大理正嘗奏言法令者人之隄防隄防不立則人  
無所禁竊見大理官寮多不奉法以縱罪爲寬恕以守

文爲苛刻臣濫執刑典實恐爲衆所謗遂表上所著應

正論以見志中宗覽而嘉之稍遷駕部郎中

唐書王  
志情傳

垂拱三年鳳閣侍郎劉禕之嘗竊謂人曰太后何用臨  
朝稱制不如返政以安天下之心則天聞之特令肅州  
刺史王本立推鞠本立宣勅示禕之禕之曰不經鳳閣  
鸞臺宣過何名爲勅則天大怒以爲拒捍制使特賜死

唐會  
要

唐垂拱四年安撫大使狄仁傑檄告西楚霸王項君將  
校等畧曰鴻名不可以謬假神器不可以力爭應天者



鷹樂推之名背時者非見幾之主自祖龍御宇橫噬諸  
侯任趙高以當軸棄蒙恬而齒劍沙邱作禍於前望夷  
覆滅於後七廟墮圯萬姓屠原鳥思靜於飛林魚豈安  
於沸水赫矣皇漢受命元穹鷹赤帝之祥符當素靈之  
欽運俯張地紐彰鳳舉之祥仰緝天綱鬱龍興之兆而  
君潛遊澤國嘯聚水鄉矜扛鼎之雄逞拔山之力莫測  
天符之所會不知運數之有歸遂奮關中之翼竟垂垓  
下之翅蓋實由於人事焉有屬於天亡雖驅百萬之兵  
終棄八千之子以爲殷鑒豈不惜哉固當匿魄東峯收

魂北極豈合虛承廟食廣費牲牢仁傑受命方隅循節  
攸寄令遣焚燎祠宇削平臺室使蕙帷銷盡霧帳隨烟  
君宜速遷勿爲人患檄到如律令遂除項羽廟餘神並  
盡惟會稽禹廟存焉

耳目記

初元忠相武后有清正名至是輔政天下傾望冀幹正  
王室而稍憚權幸不能賞善罰惡譽望大減陳郡男子  
袁楚客者以書規之元忠得書益慙以三思專權思有  
以誅之

新唐書魏  
元忠傳

證聖元年正月詔十七日御端門賜酺宴十六日明堂

後夜佛堂災延燒明堂至明並盡二十二日以災告廟  
下制遣內文武九品以上各上封事極言正諫無有  
所諱於是劉承慶上疏曰臣聞災變之興至聖不免聿  
修其德災患可禳也陛下垂制博訪詳求至理而左史  
張鼎以爲火流王室彌表大周之祥通事舍人逢敏奏  
稱當彌勒成佛道時有天魔燒宮七寶臺須臾散壞斯  
實諂妄之邪言實非君臣之正論曖昧王化無益萬幾  
審其致災之理詳其降雋之由無戾天人之心而興不  
急之役則兆民蒙賴福祿靡窮

唐會  
要

陸大同爲雍州司田時安樂公主韋溫等侵百姓田業大同盡斷還之長吏懼勢謀出大同會將有事南郊時已十月長吏乃舉牒令大同巡縣勸田疇冀他判司搖動其按也大同判云南郊有事北陸已寒丁不在田人皆入室此時勸課切恐煩勞長吏益不讓

大唐新話

桓彥範等旣匡復帝室勲烈冠古武三思害其公忠將誣以不軌誅之大理丞李朝隱請問明狀卿裴譚附會三思異朝隱判竟坐誅譚遷刑部尙書侍御史李祥彈之曰異李朝隱一判破桓敬等五家附會三思狀驗斯

在天下聞者莫不寒心刑部尙書從此而得畧無迴避

朝廷壯之

大唐新語

義

岑長倩子

神龍初爲中書舍人時武三思用事侍中敬暉

欲上表請削諸武之爲王者募爲疏者衆畏三思皆辭

託不敢爲之義便操筆辭甚切直由是忤三思意轉秘

書少監

唐書岑文本傳

王義方坐與張亮交遊貶授儋州吉安丞行至南海舟人將以酒脯致祭義方曰黍稷非馨義在明德乃酌水而祭爲文曰思帝鄉而北顧望海浦而南浮必也行愆

諸已義負前修長鯨擊水天吳覆舟如因忠獲戾以孝

見尤四維霧廓千里安流靈應如響無作神羞時當盛

夏風濤蒸毒旣而開霽南渡數歲改授洹水丞

冊府元龜

右唐宋廣平碑側記顏魯公撰載廣平仕御史時持服

於沙河縣屬突厥寇趙定州河朔兇懼邢州刺史黃文

軌投艱於公公以父母之邦金革無避及賊至城下公

爲曉陳禍福其徒有素聞公威名者相率而去之開元

末安西都護趙含章冒於貨賄多以金帛賂朝廷之士

九品以上悉皆有名後節度范陽事覺有司以聞元宗

將加黜責公一無所受乃進諫焉元宗納之遂御花萼樓一切釋放舉朝皆謝公衣冠儼然獨立不拜翌日元宗謂公曰古人以清白遺子孫今卿一人而已公曰含章之賄偶不及臣門非不受也元宗深嘉之又曰公第八子衡因謫居沙州參佐戎幕土番入寇陷於賊庭素聞太尉名德曰唐天子我之舅衡之父舅賢相也其可留乎大厯十一年以三百騎盡室護歸此皆廣平逸事有以見其清德冠當世威名動夷狄如此而新舊史皆不載故併錄之於此俾覽者得詳焉

金石錄

河西隴右十餘處置生祠堂立碑頌德闔立均等爲其  
文初安西南有毒河源遠在葱嶺西北河岸百步人畜  
踏之者輒死公威振西域所向無不從者因驗圖經知  
其源率兵三萬人歷於闐康居大食等十餘國所過之  
國令供資糧仍署其國王爲左右總管率兵前進北至  
葱嶺牙帳前十二國王兵百餘萬其河源上有大樹高  
千餘尺垂陰數頃大軍至日有黃龍繞樹以口吐毒氣  
而拒官軍三軍悉覩焉公手書檄文令左拾遺張宣  
抗聲讀之畢黃龍解樹而下公率諸軍誅之數日方倒



全唐文紀事

卷二十五

八

聚而焚焉河源且絕數十里內悉爲良田前後上事切諫得失十數道俱焚其藁草不以語人故朝廷莫知也

張說兵部尚書代國公贈少保郭公行狀

張燕公集

韋陟爲御史大夫拾遺杜甫上表論房琯有大臣度眞宰相器聖朝不容詞旨迂誕肅宗令崔光遠與陟及憲部尚書顏正卿同訊之陟因人奏曰杜甫所論房琯事雖被貶黜不失諫臣大體上繇此疎陟

冊府元龜

張九齡爲相明皇欲以涼州都督牛仙客爲尚書執不可曰仙客河湟一使典耳擢自胥史目不知書陛下必

用仙客臣實恥之帝不悅因是遂罷相觀九齡集中有  
贈涇州刺史牛公碑蓋仙客之父譽之甚至云福善莫  
大於有後仙客爲國之良用商君耕戰之國修充國羌  
胡之具出言可復所計而然邊捍長城主恩前席正稱  
其在涼州時與所諫止尙書事亦才一年然則與仙客  
非有夙嫌特爲公家忠計耳

容齋  
隨筆

李杲遷洛陽令嚴刑峻法民吏畏服縣之積弊杲盡革  
之時有進士劉兼赴舉上都舍於村邸至夜中聞戶外  
街衢中有數人相語曰李令今古正人也吾輩見其行

事威猛令人破膽此中不可久居宜遷於他邑可求血  
食也兼訝其事遂啟門視之寂無影響方知乃邑之妖  
神也兼遂書贊一首於村邸之上云狡吏畏威縣妖破  
膽好錄政聲聞於御覽後明皇旌其能賜金百兩及章  
服焉

開元天  
寶遺事

顏魯公爲郭汾陽家廟碑云端一之操不以險夷概其  
懷堅明之姿不以雪霜易其令斯言也魯公亦允蹈之

因學  
紀聞

元次山惡圓曰甯方爲阜不圓爲卿范文正靈烏賦曰

甯鳴而死不默而生其言可以立懦

困學紀聞

肅宗初克復重將帥之任而武人怙寵不遵法度將軍王去榮打殺本縣令據法處盡肅宗將宥之下百寮議韋陟議曰昔漢高約法殺人者死今陛下出令殺人者生伏恐不可爲萬代之法陟嘗任吏部侍郎有一致仕官敘五品陟判之曰青壇展慶曾不立班朱紱承榮無宜臥拜時人推其強直政能

大唐新語

廣德元年十一月太常博士柳伋上疏請斬程元振於是削元振官爵放歸田里東坡謂及其有事且急也雖

全唐文紀事

卷二十五

十

代宗之庸程元振之用事柳伋之賤且疎而一言以入之不終朝而去其腹心之疾愚按登科記伋乾元元年進士翰林院故事載寶應已後伋自校書郎充學士出鄴縣尉改太常博士兵部員外諫議大夫皆充學士新唐史程元振傳云太常博士翰林待詔柳伋上疏以翰林故事攷之伋是時爲學士非待詔也伋以博士在禁林職近而親不可謂賤且疎唐史不爲伋立傳故詳著其事俾覽者知詞臣之獻替不獨陸贄李絳也

國學紀聞

時元載引用私黨懼朝臣論奏其短乃請百官凡欲論

事皆先白長官長官白宰相然後上聞真卿上疏曰  
史中丞李進等傳宰相語稱奉進止緣諸司官奏事頗  
多朕不憚省覽但所奏多挾讒毀自今論事者諸司官  
皆須先白長官長官白宰相宰相定可否然後奏聞者  
臣自聞此語已來朝野囂然云云其激切如此於是中  
人爭寫內本布於外

唐書顏  
真卿傳

右唐顏魯公與郭僕射書僕射郭英乂也魯公於座位  
高下小有失當猶力爭如此使之立朝其肯逢君之惡

乎

金石  
錄

全唐文紀事

卷二十五

七

按郭英父時爲尙書右僕射定襄郡王此帖當是與英  
父者僕不嫻書學未能辨其爲第幾帖獨觀公秉禮陳  
義以斥英父之驚而折朝恩之驕論正氣嚴凜凜冰雪  
真可畏而仰也或曰英父小人公顧期之以直諒毋乃  
失言也乎是不然君子未嘗絕人特人自絕於君子耳  
英父始結朝恩後附元載自謂富貴終身可保迄不免  
成都之禍世之依憑城社而視清議爲不足恤者可以  
鑒矣

顏魯公與郭定襄論坐次帖

西山題跋

魚朝恩擠郭令公折元載搖相里造侵王縉一時權

熏灼若此魯公秉義以奪其驕至今幾五百年尙凜凜  
有生意猗其偉歟惟其間稱譽朝恩尙數千言大半於  
行間增入豈猶未免於危行言孫耶跋顏魯公  
爭坐帖 鶴山  
題跋

初泐知制誥當草王璵詔無借言銜之及當國滉兄弟

皆斥冗官璵罷乃擢殿中侍御史

新唐書  
韓休傳

補登封主簿邑有虎孽民患之少連命塞陷竄獨移文

獄神虎不爲害

唐書顧  
少連傳

貞元元年策賢良方正得穆質柳公綽等皆立至台鼎



世美其知人時比歲旱質對漢故事免三公烹宏羊權  
近獨孤惻欲下按治防曰使上聞所未聞不亦善乎置  
質高第帝見策嘉之

鮑防

唐才子傳

給事中袁高旣宿直時盧杞由新州司馬移吉州長史  
是日上命爲饒州刺史高旣宿直當草杞制遂執以謁  
宰相盧翰劉從一翰從一皆杞所引用不從高之言遂  
命舍人草制及詔出高又執之不下仍上奏盧杞爲政  
極惡窮兇六軍將校願食其肉百辟卿士嫉之若讐疏  
未納明日諫官陳京趙需裴佖宇文炫盧景亮張薦等

上疏遂追杞饒州制翌日上遣中使宣慰

唐會要

皇祐初胡文恭公宿爲知制誥封還楊懷敏復除內侍副都知詞頭不草翌日上謂宰相曰前代有此故事否文潞公對曰唐給事中袁高不草盧杞制書近年富弼亦曾封還詞頭上意乃解

却掃編

時裴延齡以姦佞有恩欲爲相諫議大夫陽城上疏切直德宗赫怒右補闕熊執易等亦以危言忤旨初執易草疏成示登登愕然曰願寄一名雷電之下安忍令足下獨當自是同列切諫登每聯署其奏無所迴避時人

稱重

唐書歸登傳

賦稅不登觀察使數加誚讓州上考功第城自署其第

曰撫字心勞徵科政拙考下下

唐書陽城傳

贊最孝謹質強直應制策入第三等其所條對至今傳

之自補闕至給事中時政得失未嘗不先論諫

唐書穆贊傳

貞元十八年二月以前攝浙東團練副使試大理評事

兼監察御史齊總爲衢州刺史羣議以爲超獎過當詔

至門下給事中許孟容上表封還曰臣伏見今日恩制

除衢州刺史齊總臣愚竊有所慮恐驚物聽不敢聞於

陛下若以兵戎之地或有不得已非次擢授者今衢州無他虞齊總無殊績忽此超授羣情驚駭又齊總是判官今詔勅擢浙東觀察留後攝都團練副使向前未有勅令今便用此下詔尤恐不可臣授官中謝曰具已面奏詔勅有不便者伏請封進今齊總詔謹隨狀封進時左補闕王武陵右補闕劉伯芻復上疏言之故詔書留中不出後數日不得雨不視事特開延英召孟容對上慰諭開納曰使百執事皆如卿朕何憂也自給事中袁高論盧杞後來未嘗有可否是時齊總竭浙東進奉遂

超授逾等江淮之間人多困急無不罪總及孟容此奏  
入聞者皆感上聖明虛心之德嘉孟容之當官不面從  
其年八月以嶺南節度掌書記試大理評事張貞元爲  
邕州經畧使給事中許孟容上疏論奏張貞元非次遷  
授封還張貞元詔書右補闕劉伯芻繼有封章上命中

使宣諭孟容詔亦遂止

唐會  
要

自袁高爭盧杞後凡十八年門下無議可否者至孟容  
數論駁四方知天子開納多士浩然想見其風

新唐書  
許孟容

傳

故淮南節度使陳少游子正儀請襲封參大署尚書省門曰陳少游位兼將相之崇節變艱危之際君上含垢未能發明愚子何心輒求傳襲正儀懼不敢求封而去

唐書寶參傳

用爲知制誥詔令溫雅合於典謨然性太剛褊簡傲不能取容於時每發言論畧無阿徇忤執政旨故掌誥二年而官不遷竟罷知制誥守比部郎中元翰苦心文章時年七十餘好學不倦旣介獨耿直故少交遊唯秉一操伏膺翰墨其對策及奏記碑誌師法班固蔡伯喈而

致思精密爲時所擯終於散位

唐書崔元翰傳

韋臯爲西川節度使順宗卽位王叔文等專政臯上表云云臯自以大臣得議國家事且怨叔文不與三川恃處斗絕一方度叔文不能搖動又乘其與韋執誼間隙故極言中外人情尋裴均嚴綬表牋繼至悉與臯同詞忠正之徒皆倚賴以爲援而邪黨震懼

冊府元龜

新羅人金忠義以機巧進至少府監蔭其子爲兩館生貫之持其籍不與曰工商之子不當仕忠義以藝通權倖爲請者非一貫之持之愈堅旣而疏陳忠義不宜污

朝籍詞理懇切竟罷去之

唐書韋貫之傳

元和三年貶翰林學士王涯虢州司馬時涯甥皇甫湜與牛僧孺李宗閔並登賢良方正科第三等策語太切

權倖惡之故涯坐親累貶之

舊唐書憲宗紀

詔舉賢良時有皇甫湜對策其言激切牛僧孺李宗閔亦苦詆時政考官楊於陵韋貫之升三子之策皆上第  
湜居中覆視無所同異及爲貴倖泣訴請罪於上憲宗不得已出於陵貫之官罷湜翰林學士

唐書裴湜傳

鴻臚

謹案李吉甫傳裴湜爲僕射判度支交結權倖



欲求宰相先是制策試直言極諫科其中有譏刺時政犯忤權倖者因此洎黨揚言皆執政教指冀以搖動吉甫賴諫官李約獨孤郁李正辭蕭俛密疏陳奏帝意乃解與此傳所云洎覆視無所異同及爲貴倖所訴罷翰林學士大相刺謬如出兩人 又案本傳謂吐突承瓘自春宮侍憲宗恩顧莫二然承間欲有所關白帝憚洎誠勿復言又云洎作相後雖大寮前輩不敢干以私諫官言時政得失舊事操權者多不悅洎在中書有獨孤郁李正辭嚴休復自拾遺轉補

闕參謝之際埴廷語云獨孤李二孜孜獻納無愧酬  
勞惟嚴補闕官業或異於斯嚴悚慙而退觀此則埴  
之正直何如豈交結權倖者耶舊書出劉昫一人之  
手而自相矛盾至此信乎作史之難也 又案新書  
裴埴傳云坐覆視皇甫湜等對策非是罷學士而吉  
甫傳又云裴均結黨傾執政大畧與舊史同惟以埴  
爲均

右臣伏見內外官近日除改人心甚警遠近之情不無  
憂懼喧喧道路異口同音皆云制舉人牛僧孺等三人

以直言時事恩獎登科被落第人怨謗加誣惑亂中外  
謂爲誑妄斥而逐之故並出爲關外官楊於陵以考策  
敢收直言者故出爲廣府節度韋貫之同所坐故出爲  
果州刺史裴珀以覆策又不退直言者故免內職除戶  
部侍郎王涯同所坐出爲虢州司馬盧坦以數舉事爲  
人所惡因其彈奏小誤得以爲名故黜爲左庶子王播  
同之亦停知雜陛下明下詔令徵求直言反以爲罪此  
臣所以未喻也德宗皇帝初卽位年亦徵天下直言極  
諫之士親自臨試問以天旱穆質對以兩漢故事三公

當免卜式著議宏羊可烹此皆指言當時在權位而有  
恩寵者德宗深嘉之自第四等拔爲第三等自畿尉擢  
爲左補闕書之國史以示子孫今僧孺等對策之中切  
直指陳之言亦未過於穆質而遽斥之臣恐非嗣祖宗  
承耿光之道也臣昨在院與裴均王涯等覆策之時曰  
奉宣令臣等精意考覆臣上不敢負恩下不忍負心唯  
秉至公以爲取捨雖有讐怨不敢棄之雖有親故不敢  
避之唯求直言以副聖意故皇甫湜雖是王涯外甥以  
其言直合取涯亦不敢以私嫌自避當時有狀具以陳

全唐文紀事

卷二十五

六

奏不意羣心嗷嗷構成禍端聖心以此察之則或可悟  
矣儻陛下察臣肝膽知臣精誠以臣此言可以聽採則  
乞俯迴聖覽特示寬恩僧孺等准往例與官裴迥等依  
舊職獎用使內外人意歡然再安若以臣此言理非允  
當以臣覆策事涉乖宜則臣等見在四人亦宜各加黜  
責豈可六人同事唯罪兩人

論制科人狀

白氏長慶集

全唐文紀事卷二十五終

全唐文紀事卷二十六

原任翰林院編修 國史館纂修 實錄館提調 武英殿協修陳鴻墀纂

正直二

會考制舉人獎直言策爲第一中貴人大怒宰相有欲  
因而出之者由是爲嶺南節度使時得考制策者凡四  
人公旣得嶺南員外郎韋貫之再貶巴州刺史而李益

鄭敬皆抵於患

贈司空楊公墓誌銘

李文公集

韋貫之爲右補闕憲宗元和元年與中書舍人張宏靖  
考制策第其名者十八人其後多以文稱遷爲吏部員

外郎三年策賢良之士又與戶部侍郎楊於陵左司郎中鄭敬都官郎中李益同爲考策官貫之奏居上第者三人是三人言實指切時病不顧忌諱雖同考策者皆難其詞直貫之獨署其奏遂出爲果州刺史

冊府元龜

時吏部侍郎鄭珣瑜請珣考詞判珣守正不受請託考

覈皆務才實

唐書裴珣傳

韓文公伯夷頌無一辭及武王末後方云雖然非二子則亂臣賊子接跡於後世矣其罪武凜然如刀鋸斧鉞之加而鋒鋞不露自佛入中國凡爲其徒作碑記者皆

務爲梵語獨公送暢序不肯自叛其教所謂法度森嚴也

說郭引吹劍錄

贈太保諡曰厲其子季友從獵苑中訴於穆宗賜諡曰思右丞張正甫封勅請還本諡右補闕高鉞上疏論之曰頃頃鎮襄漢殺戮不辜恣行兇暴移軍襄鄧迫脅朝廷擅留逐臣徼遮天使當先朝嗣位之始貴安反側以靖四方幸免鉞鉞之誅得全腰領而斃誠宜諡之繆厲以沮兇邪豈可曲加美名以惠奸宄太常博士王彥威又疏云云不報竟諡爲思

唐書于頃傳



度支使潘孟陽與大府卿王遂迭相奏論孟陽除散騎  
常侍遂爲鄧州刺史皆假以美詞元膺封還詔書請明  
示枉直江西觀察使裴堪奏虔州刺史李將順贓狀朝  
廷不覆按遽貶將順道州司戶元膺曰廉使奏刺史贓  
罪不覆檢卽謫去縱堪之詞足信亦不可爲天下法又

封詔書請發御史按問宰臣不能奪

唐書呂  
元膺傳

憲宗朝遷太府卿制下給事中韋宏景等封還制書言  
士涇不合居九卿辭語激切憲宗謂宏景曰士涇父有  
功於國又是戚屬制書宜下宏景奉詔士涇善胡琴多

遊權倖之門以此爲之助時論鄙之

唐書劉士涇傳

會宰相李公鎮揚州首奏起君君猶臥不應從史讀詔曰是故舍我而從人耶卽誣奏君前在軍有某事上曰吾知之矣奏三上乃除君衛尉丞分司東都詔始下門下給事中呂元膺封還詔書上使謂呂君曰吾豈不知

戡也行用之矣

贈司勳員外郎孔君墓誌銘

昌黎文集

閣下去年考制策其論釋氏之害於人者尙列爲高等冀感悟聖明豈不欲發明化源抑絕小道何至事皆在

已而所守遂殊

請停率修寺觀錢狀

李文公集

張建封卒其子愔爲將校所迫俾領軍務及愔上表稱  
兵馬留後鄜以爲非詔令所加不宜稱號立使削去方

授其表

唐書李  
鄜傳

故溫縣令楊垂爲京兆府參軍時奉叔父司徒命撰集  
古喪儀其一篇云七七齋以其日送卒者衣服於佛寺  
以申追福翽以楊氏喪儀其他皆有所出多可行者獨  
此一事傷禮故論而去之將存其餘云

去佛齋  
論序

李文

公集

舊梁山驛碑軍之東四十里相傳李唐時有白虎蛟龍

爲民害民遷居以避之韓昌黎嘗按部經行二害乃去作碑識之今名其地爲碑拘猶存溪側字多漫滅不可

識輿地碑記

吏部侍郎韓昌黎公愈自刑部侍郎貶潮陽守先是郡守西有大湫中有鰐魚長者百尺民患之有年矣及愈刺郡卽命庭掾以牢醴陳於湫之傍且祝曰汝水族也無爲生人患是夕郡西有暴風雷巨鰐亦隨而徙焉故工部郎中皇甫湜撰愈神道碑序曰刑部爲潮陽守云峒獠海夷陶然自化鰐魚稻蟹不暴民物蓋謂此也

宣室

志

數論宦官橫肆方鎮進獻等事自知言切且斥去悉取

內署所上疏彙焚之以俟命

新唐書  
李絳傳

右今日宰相送詞頭卽恐太重伏希天慈以此詳察知

臣所奏不是偶然其獨孤朗等四人出官詞頭臣已封

訖未敢撰進伏待聖旨

論左降獨  
孤朗等狀

白氏長慶集

有鑒工崔環自淮南小將爲黃州司馬勅至南省餘慶

執之封還以爲諸道散將無故受正員五品官是開徼

倖之路且無闕可供言或過理由是稍忤

唐書鄭  
餘慶傳

時有元法寺僧法湊爲寺衆所訴萬年縣尉盧伯達斷  
還俗後又復爲僧伯達上表論之詔中丞宇文邁刑部  
侍郎張彧大理卿鄭雲逵等三司與功德使判官諸葛  
述同按鞫議以述胥吏不合同入省按事餘慶上疏論

列當時翕然稱重

唐書鄭  
餘慶傳

鴻堀

謹案新書本傳述從封太山奏東封記有詔褒

美

時穆宗詔撰故成德軍節度使王士真神道碑對曰臣  
器褊狹此不能強王承宗先朝阻命事無可觀如臣秉

筆不能溢美或撰進之後例行貶遣臣若公然阻絕則  
違陛下撫納之宜僂俛受之則非微臣平生之志臣不  
願爲之秉筆帝嘉而免之

唐書蕭  
俛傳

遷給事中劉士經以駙馬交通邪倖穆宗用爲太僕卿  
宏景與給事薛存慶封還詔書穆宗遣宰臣宣諭宏景  
等固執如前宰臣不得已改衛尉少卿穆宗復遣諭宏

景竟行前命

唐書韋  
宏臯傳

陳岵進注維摩經得濠州刺史寬夫與同列因對論之  
言岵因供奉僧進經以圖郡牧敬宗怒謂宰相曰陳岵

不因僧得郡諫官安得此言須推排頭首來寬夫奏曰  
昨論陳祐之時不記發言前後唯握筆草狀卽是微臣  
今論事不當臣合當罪若尋究推排恐傷事體帝嘉其  
引過欣然釋之寬夫弟端夫爲太常博士駿韋綬諡議

知名

唐書劉  
寬夫傳

李逢吉用事素惡李紳乃構成其罪禍將不測處厚與  
紳皆以孤進同年進士心頗傷之乃上疏云云上深感  
悟其意賜錦絲一百匹銀器四事實厯元年四月羣臣  
上尊號御殿受冊肆赦李逢吉以李紳之故所撰赦文



但云左降官已經量移者與量移不言未量移者蓋欲  
紳不受恩例處厚上疏曰伏見赦文節目中左降官有  
不該恩澤者在宥之體有所未宏臣聞物議皆言逢吉  
恐李紳量移故有此節若如此則應是近年流貶官因  
李紳一人皆不得量移事體至大豈敢不言云云帝覽  
奏知其事乃追改赦文紳方霑恩例處厚爲翰林承旨  
學士每立視草愜會聖旨常奉急命於宣州徵鷹鷂及  
楊益兩浙索奇文綾錦皆抗疏不奉命且引前時赦書  
爲證帝皆可其奏

唐書韋處厚傳

太和元年十一月勅以右補闕高允中爲侍御史允中  
自爲諫官甚舉職業危言直論不避時忌寶厯中常上  
疏云東頭勢重於南衙樞密權傾於宰相敬宗驚悟久  
之雖無明賞而直名昭然人情危懼恐有禍及終致非

辜至是稍遷正人相賀

唐會要

自元和末閹寺權盛握兵宮闈橫制天下天子廢立由  
其可否干撓庶政當時目爲南北司愛惡相攻有同水  
火蕢草澤中居常憤惋文宗卽位恭儉求理太和二年  
策試賢良時對策者百餘人所對止循常務唯蕢切論

黃門太橫將危宗社是歲左散騎常侍馮宿太常少卿  
賈餗庫部郎中龐嚴爲考策官三人者時之文士也覩  
賈條對歎服嗟悵以爲漢之晁董無以過之言論激切  
士林感動時登科者二十二人而中官當途考官不敢  
留賈在籍中物論喧然不平之守道正人傳讀其文至  
有相對垂泣者諫官御史扼腕憤發而執政之臣從而  
弭之以避黃門之怨唯登科人李邵謂人曰劉賈不第  
我輩登科實厚顏矣請以所授官讓賈事雖不行人士

多之

唐書劉  
賈傳

河南府參軍事李邵曰蕢逐我留吾顏其厚耶乃上疏  
曰陛下御正殿求直言使人得自奮臣才志懦劣不能  
質今古是非使陛下聞未聞之言行未行之事忽忽內  
思愧羞神明今蕢所對敢空臆盡言至皇王之成敗陛  
下所防閑時政之安危不私所料及引春秋爲據漢魏  
以來無與蕢比有司以言涉訐忤不敢聞自詔書下萬  
口籍籍歎其誠鯁至於垂泣謂蕢指切左右畏近臣銜  
怒變興非常朝野惴息誠恐忠良道窮綱紀遂絕季漢  
之亂復興於今以陛下仁聖近臣故無害忠良之謀以

宗廟威嚴近臣故無速敗亡之禍指事取驗何懼直言  
且陛下以直言詔天下士賁以直言副陛下所問雖許  
必容雖過當獎書於史策千古光明使萬有一賁不幸  
死天下必曰陛下陰殺讜直結讐海內忠義之士皆憚  
誅夷人心一搖無以自解況臣所對不及賁遠甚內懷  
愧恥自謂賢良奈人言何乞同臣所授以旌賁直臣逃  
苟且之慙朝有公正之路陛下免天下之疑顧不美哉

帝不納

新唐書  
劉蕡傳

鴻臚

謹案本傳昭宗誅韓全誨等左拾遺羅衮上言

謂使蕢策蚤用甯至殷憂多難遠及聖世帝感悟贈  
蕢右諫議大夫 又案新史論蕢戒帝漏言而身誦  
語於廷爲太疏直當先以忠結上後爲帝謀天下所  
以安危者庶可紓患是卽蘇軾賈誼論意

唐文宗大和二年三月親策制舉人賢良方正劉蕢對  
策極言宦官之禍旣而裴休李邵等二十二人中第皆  
除官考官左散騎常侍馮宿太常少卿賈餗庫部郎中  
龐巖見蕢策皆歎服而畏宦官不敢取詔下物論囂然  
稱屈諫官御史欲論奏執政抑之李邵曰劉蕢下第我

輩登科能無厚顏乃上疏以爲蕢所對策漢魏以來無  
與爲比今有司以蕢指切左右不敢以聞恐忠良道窮  
綱紀遂絕臣所對不及蕢遠甚乞回臣所授以旌蕢直  
不報予案是時宰相乃裴度韋處厚竇易直易直不足  
言裴韋之賢顧獨失此至於抑言者使勿論奏豈不有  
愧於心乎蕢旣由此不得仕於朝而李邵亦不顯蓋無  
敢用之也

容齋  
續筆

上試制舉人命嚴與左散騎常侍馮宿太常少卿賈餗  
爲試官以裴休爲甲等制科之首有應直言極諫舉人

劉蕡條對激切凡數千言不中選人咸以爲屈其所對策盛行於時登科者有請以身名授蕡者

唐書龐嚴傳

太和二年裴休等二十三人登制科時劉蕡對策萬餘字深究治亂之本又多引春秋大義雖公孫宏董仲舒不能肩也自休以下靡不斂衽然亦指斥貴幸不顧忌諱有司知而不取時登科人李邵詣闕進疏請以已之所得易蕡之所失疏奏留中蕡期月之間屈聲播於天

下  
言

轉給事中開成元年出爲華州刺史兼御史中丞詔下



兩省迭詣中書求承嘏出麾之由給事中盧載封還詔  
書奏曰承嘏自居此官繼有封駁能奉其職宜在瑱闔  
牧守之才易爲推擇乃復爲給事中

唐書郭承嘏傳

張仲方以開成元年五月自華州刺史入爲祕書監外  
議以鄭覃黨李德裕排擯仲方覃恐涉朋黨因紫宸奏  
事覃啟曰丞郎闕人臣欲用張仲方文宗曰中臺丞郎  
朝廷華選仲方作牧守無政安可以丞郎處之累加銀  
青光祿大夫上柱國曲江縣伯邑七百戶二年四月卒  
仲方貞確自立綽有祖風駁謚之後爲德裕之黨擯斥

坎軻而沒人士悲之

冊府元龜

梁守謙爲院使見徽批監軍表語簡約歎曰一字不可

益耶銜之以論淮西事忤旨罷職

新唐書錢徽傳

李彥佐在滄景太和九年有詔召浮陽兵北渡黃河時

冬十二月至濟南郡使擊冰延舟冰觸舟舟覆詔失李

公驚懼不寢食六日鬢髮暴白至貌侵膚削從事亦訝

其儀形也乃令津吏不得詔盡死吏懼且請公一祝沉

浮於河吏馮公誠明以死索之李公乃令具爵酒言祝

傳語詰河伯其旨曰明天子在上川瀆山岳祝史咸秩

全唐文紀事

卷二十六

土

予境之內祀未嘗置爾河伯泊鱗之長當衛天子詔何  
返溺之予或不獲予齋告於天天將謫爾吏酹冰辭已  
忽有聲如震河冰中斷可三十丈吏知李公精誠已達  
乃沉鈎索一一鈎而出封角如舊唯篆印微濕耳李公  
所至令務嚴簡推誠於物著於官下如河水色渾駛流  
大水與纖芥頃而千里矣安有舟覆六日一酹而堅冰  
陷一鈎而沉詔獲得非精誠之至乎

酉陽  
雜俎

拜給事中王晏平爲靈武刻削軍士贓罪發帝以智興  
之故減死貶官溫三封詔書文帝深獎之

唐書  
溫傳

天子於禁中得先帝手緘書一笥發之見裴度元穎紳  
三疏請立帝爲嗣始大感悟悉焚逢吉黨所上謗書始  
紳南逐歷封康間湍瀨險澀惟乘漲流乃濟康州有媪  
龍祠舊傳能致雲雨紳以書禱俄而大漲

新唐書  
李紳傳

唐咸通中西川僧法進刺血寫經聚衆教化寺所司申  
報高燕公判云斷臂既是凶人刺血必非善事貝多葉  
上不許塵埃俗子身中豈堪腥膩宜令出境無得惑人  
與一繩遞出東界所司不喻繩文賜錢一千送出東郭

北夢  
瑣言

僖宗自山南還以宰相杜讓能弟宏徽爲中書舍人  
以宏徽兄在中書弟不宜同居禁近封還制書天子不

報

唐書鄭  
綰傳

丞相韋貽範母喪詔還位俛當草制上韋貽範處喪未  
數月遽使視事傷孝子心學士使馬從皓逼俛求草俛  
曰腕可斷麻不可草從皓曰君求死耶俛曰吾職內署  
可默默乎明日百官至而麻不出宦侍合譟茂貞入見  
帝曰命宰相而學士不草麻非反耶艷然出姚洎聞曰  
使我當直亦繼以死旣而帝畏茂貞卒詔貽範還相洎

代草麻

新唐書  
韓偓傳

吳曾漫錄仁宗朝胡宿武平知制誥封還楊懷敏詞頭  
上問宰相故事文彥博對曰唐給事中袁高不草盧杞  
制然則唐典故給事中亦草制耶故成袁高之志云又  
韓渥金鑾密記曰崔貽範於鳳翔圍城中挾李茂貞起  
復作相渥當草制抗疏論其不可夜半中人以詞頭投  
渥曰學士無以性命爲戲渥不答扃戶而寢明日無麻  
制宣讀茂貞曰陛下命相學士不肯草制與反何異昭  
宗曰卿薦貽範朕不拒渥不草制朕亦不拒其如道理

分明何至范蜀公東齋記事真宗欲立章獻爲后楊文公不草制章獻既立楊文公億不自安乃託母疾而行留請假榜子與孔目官而去學士不肯草制自唐韓渥

始也

學齋佔畢

帝與皇后劉氏幸張全義第酒酣帝命皇后拜全義爲養父全義惶恐致謝復出珍貨貢獻翼日皇后傳制命學士草謝全義書學士趙鳳密疏陳國后無拜人臣爲父之禮帝雖嘉之竟不能已其事

舊五代史唐莊宗紀

鴻堀

謹案李之儀姑溪居士集趙鳳爲莊宗實錄將

何挺論劉昫疏不載昫既相遂引鳳共政事是趙鳳亦非真能持正者也

高行珪性貪鄙短於爲政在安州日行事多不法副使范延策者幽州人也性剛直累爲賓職及佐行珪覩其貪猥因強諫之行珪不從後延策因入奏獻封章於闕下事有三條一請不禁過淮猪羊而禁絲綿疋帛以實中國一請於山林要害置軍以絕寇盜一述藩侯之弊請勅從事明諫諍之不從令諸軍校列班廷諍行珪聞

之深銜之

舊五代史



祖紀

右諫議大夫鄭受益兩疏論張彥澤在涇州之日違法虐民支解掌書記張式部曲楊洪等請下所司明申其罪皆留中不出庚申刑部郎中李濤張麟員外郎麻麟王禧同詣閤門上疏論張彥澤罪犯詞甚懇切

舊五代史晉高

鴻墀

謹案宋史李濤傳涇帥張彥澤殺記室張式奪其妻式家人詣闕上訴晉祖以彥澤有軍功釋其罪濤伏閤抗疏請寘於法 又案宋史楊昭儉傳昭儉與李濤論張彥澤不報會有詔令朝臣轉對或有封

事亦許以不時條奏昭儉復上疏請誅彥澤以謝軍吏然攷當日詔書彥澤止削一階降爵一級而已

李璘唐宗屬也父洎韶州刺史伯父湯咸通中爲給事中懿宗除乳母楚國夫人葺爲夏州刺史湯封還制書詔曰朕少失所親若非楚國夫人鞠養則無朕此身雖非朝典望卿放下仍令後不得援以爲例湯乃奉詔其諒直如此

舊五代史  
李璘傳

代吳用爲侍御史義方旣就職卽上疏曰臣欲奉陛下德音先舉忠孝潔廉請頒爵賞然後繩糾乖戾以正典

刑

文多不載

疏奏烈祖親札曰孤始受禪任義方以風憲乃

能力振朝綱詞皆讜切可宣示朝野賜義方衣一襲以旌直言後之議者謂義方爲御史彈劾奸邪諫正過失則可若請舉善頒爵賞則爲奪輔相權矣然所言凜然守正有漢唐名臣之風

陸游南唐書張義方傳

全唐文紀事卷二十六終